

一部則例



工部則例

都水清吏司

水利下

一江南水利。順治十七年。修築江南當塗高淳  
二縣廢圩。更名忠惠圩。令有司不時培護。○康  
熙十年。開蘇屬劉家河。松屬吳淞江。以洩太湖。  
俾由故道入海。○十一年。濬蘇屬吳江長橋一  
帶。以洩太湖水勢。○十九年。江南水患。淹沒民  
田。疏濬白茅港孟瀆河。築壩建牖。又修七了河  
一帶。并開福山港三丈浦諸河。○二十一年。濬



蘇屬支塘至新市舊河。仍令歲修。蘇松河道牘壩。專責蘇松常道管理。年底報部。○三十三年覆準。吳淞水勢。飭令江水經由地方各官。每年於秋冬水涸時。各加疏濬。不致上流泛濫。○四十七年議準。疏濬蘇松常鎮所屬支河港蕩。修建新舊牘壩。以資灌溉。○四十九年。濬徐邳境內房亭等河。○雍正五年

諭。地方水利。關係民生。最為緊要。如江南戶口繁庶。宜更加修濬。時其蓄洩。以防旱澇。向來屢有條奏之人。但未經督省督撫奏請。朕意亦久欲興修。以資農務。

因海塘工程。正在營治。且水利事關重大。必得實心辦事之人。方有裨益。我

皇考念切民依。周知稼穡。因康熙四十六年巡省江浙。所至必細驗水土燥濕高下之宜。詳考五穀種植之性。躬親講求。將附近太湖及通江潮之處。條分縷晰。特頒

諭旨。令江浙督撫。於蘇松常鎮杭嘉湖地方。疏濬河港。以資灌溉。修建牘壩。以便啟閉。皆用公帑。不使絲毫出於民力。思至渥也。乃當時督撫諸臣。不能仰體。惟以虛文奉行。糜費帑金二十餘萬。飽官吏之侵漁。而

無實效。朕即位以來。事事仰體。

皇考之貽謨。永圖民生之遠計。據該撫陳奏。應是地方不可緩之事。凡建立牐壩。疏濬河流。務期盡除淤塞。以杜泛濫之虞。廣蓄水泉。以收灌溉之益。其一應公費。皆動用庫帑支給。一切工程。交與該督辦理。見任部屬及候選部屬府州縣人員內。有具呈願往効力者。選十數人帶往江南。不必令出資財。惟令辦理事務。酌量委用。欽此。○又

諭。朕軫念民依。以蘇松地勢稍下。特遣大臣。會同督撫開濬水道。為久遠之計。太湖之水歸海。劉河白茅二

河為要。必徑直深廣。令水暢出。方能一勞永逸。圖誌所載二河形勢。數十里一徑。直趨入海。無少曲折。因年歲久遠。海口為潮湮塞。悉成平陸。太倉常熟之紳矜土豪。霸占耕種。報科者十無二三。今既開濬。務必盡去新漲之地畝。以復故道。聞懷私利已之徒。投遞公呈。或請別開支河。或請別開新道。其言紛紛不一。倘以似是之言。或惑於聽聞。或希圖微利。或稍徇情面。或依違遷避。使積水不能暢出。數年後仍漸致壅塞。則汝等罪不可逭矣。當秉公詳勘。務為一勞永逸之計。欽此。○又

諭江南水利緊要。須實力奉行。務期有濟。朕思牘工自  
需辦理候時。至於疏濬河渠。無須等候。先將要緊應  
濬河渠。即行酌議。乘此春夏交接之時。速行疏濬。勿  
致悞農。大凡做工處所。多係就食貧民。勿令姦徒包  
攬。欽此。遵

旨。勘得蘇松常鎮水利。並藉太湖以為吐納。西北承宜  
興荆溪百瀆之水。西南承杭湖苕霅諸山溪之  
水。而皆由三江以入於海。一自吳縣之鮎魚口。  
經蘇郡之婁門會城諸水。逾崑山。至太倉之劉  
河。出天妃牘入海。是為婁江。一自吳江之長橋。

出瓜經港。由龐山湖。經長洲崑山青浦嘉定以  
至上海。合黃浦以入海。是為吳淞江。一自白蚬  
港。過澱泖湖。會浙省杭嘉諸水入海。是為黃浦  
江。實太湖之尾閘。關七郡之休戚。疏其下流。使  
水有所宣洩。自不至泛溢。貽害民田。○又議準。  
吳淞天妃二牘。各設牘夫二十名。白茆牘。設牘  
夫八名。徐六牘。設牘夫六名。九曲得勝孟瀆三  
河三牘。各設牘夫四名。責令經營官夫。敬謹看  
守。至徐六牘。照浙江三江牘之例。豎立水則。驗  
水消長。隨時啟閉。倘該管官夫。受賄徇情。啟閉

不如法者。將該管官指叅。○又議準。禁止河道壅滯。河濱新近攤占田地。其無礙河道者。聽其自便。其濱河居民架水板房。有礙河道者。坍塌之後。不許再行修造。至濱河未報升科之新漲地畝。并越砌石礮。實係妨礙河道之處。皆令作速堰毀。如有不肖紳衿以及土豪。藐法抗違者。令分管水利各官。詳報該督撫。

欽差水利大臣。會同題叅。照例治罪。若水利各官失於稽察。或通同受賄。縱容擾累。該督撫即行糾叅。分別議處。○又議準。水利同知通判縣丞主

簿等官。各兼水利銜。在於所屬河道并牘內外。不時巡察。於農隙時督率疏濬。○又江常鎮道。蘇松太道。均兼水利銜。以便督率。○又議準。唐家壩舊存牘基。復建為牘。唐家牘旁南北陳家二壩。改作涵洞二座。務期灌溉有資。○又議準。江南開濬河道。所用土方。照漕河定例。濬河之土。四面各濶一丈。高一尺。為一方。給銀九分。積高一丈。為一大方。給銀九錢。○六年議準。一切支河溝港淤淺。水難存蓄。令水利官。於農隙時勸諭。盡力疏濬深通。足資灌溉。○又議準。吳淞

天妃七浦三牘。各設牘官一人。白茆徐六涇二牘。共設牘官一人。均令河道總督於河工効力人員內選補。九曲得勝孟瀆三河牘。交與該縣縣丞就近管理。○又開濬揚屬烏塔溝。槐子河。界河。車路海溝。伍佑場。王家港。牛灣。秦城。以東各處淤淺。以資灌溉。○又議準。劉莊青龍橋。改為石牘。鮑家壩運鹽河。建築土隄。鹽城石碓口。天妃口。廖家口。草堰口。如臯。直河。洋黃沙洋。各增建石牘。董家溝。徐家涵等處。建設涵洞。以資宣洩。○又修復吳淞江。陳家渡。漫工。建築夾壩。

○七年

諭。疏濬山東濟寧嘉祥等縣。及江南沛徐等州縣水道。使歸宿於海。山東江南二省。向來被水之州縣。皆成樂土。朕思此項工程。既於民生大有裨益。則舉行不宜稽遲。應先差委出官員前往。專司督修之事。以便備辦物料。早動工程。欽此。○八年議準。串場河道。王家港。新洋港。斗龍港。草堰口。廖家港。五處積沙。照吳淞白茆等海口之例。用犁船犁鬆。用混江龍。按時疏濬。○又議準。秦州興化縣所屬各鹽場。適中之東臺地方。設立水利同知一人。統轄

泰州興化縣所屬串場河道。并各處牯壩。每遇  
疏濬海口之時。令同知督率牯官牯夫。啟閉。雇  
覓水手人夫。乘迴潮之勢。用混江龍拖刷。務使  
海口通暢。○十年議準。如阜之岔河。以北至豐  
利場二十八里。岔河以東至掘港場五十里。各  
就淺深。分段增濬。俾蓄水五尺。以利運行。○又  
議準。如阜之力乏橋。至泰州拏茶場鹽河。濬深  
蓄水五尺。開濬白駒草堰等場河道。并揚州府  
城內之城河。城外之遶城河。一律疏通。○十一  
年

諭。江南范公隄。為沿海之藩籬。鹽場之保障。原係商人  
捐修工程。聞見在殘闕甚多。急應修築堅固。見據兩  
江總督委官確勘料估。著一面具題。一面作速興工。  
使沿海窮民。得以傭工餬口。但工程綿遠。需大員督  
率料估。悉心察辦。欽此。○又

諭。據奏江南通州所屬范隄殘闕之處。業已修築完竣。  
所有庫發工價銀。各場竈總感戴國恩。情願急公効  
力。悉已繳還運庫等語。朕允從江南總督等之請。發  
帑修理范隄。原係保護鹽場。加恩竈戶之意。其工費  
銀何用竈總捐輸。著出示曉諭。照數給還。勿使不肖



官吏人等侵蝕中飽。欽此。○十二年。修補泰州屬之  
拼茶地方舊隄。移進三四里。別築新隄。如阜縣  
屬之豐利。掘港。馬塘。通州屬之石港。西亭。餘西。  
餘中。餘東。呂四。及泰州屬之丁溪。草堰。興化縣  
屬之白駒。劉莊。鹽城縣屬之伍祐。等場。范隄。並  
令鑲築防風。○又議準。范隄緊要之處。計程三  
百五十六里。照黃運湖河之例。每里設堡夫一  
名。共三百五十六名。令其朝來暮返。每日擔積  
土牛。修補殘闕。責成各該河員稽察。○又議準。  
范隄照黃河隄岸成例。隄頂修開車道。埭口。責

令場官督率附近商民。隨時培補。○乾隆元年  
諭。三代以前。不言水利溝澮之制。時蓄洩。備旱潦。尚  
書周禮所載為田功計者。其利甚溥。開渠引水。溉  
田育穀。始於戰國。蓋因阡陌既開。溝澮尋尺。已失  
其舊也。歷代言水利者。得失參半。總以相土宜。順  
水勢。近不擾民。遠可利人為主。今江南所屬蘇松  
常鎮四府。太倉一州。見在興修支河。仿河工海塘  
之例。督撫分委降革廢員。及本籍候選考職人等。  
効力承修。朕思渠港圩壩。附近溉田。原宜開濬。以  
備旱潦。但開濬之法。須河身深廣。蓄洩得宜。其堰

取塗泥。遠移他處。或培窰下之地。或築隄岸之上。方為久計。若雇夫取土。堆貯河旁。雨淋水潦。旋即入河。不久淤塞。務名無實。徒滋煩擾。至古隄舊渠。倘遇旱潦。不為田害。便宜仍舊。紛更改築。甚無謂也。今蘇松等處內地支河。原不比河工海塘之險。古隄舊築。如元和致和等塘。民利往來。田資灌溉。至今受益。吳本澤國。三江震澤。支流四溢。如邱與權。單鄂。郊亶。趙霖。夏原吉。周忱。等所論水利。考據精覈。得失瞭然。今効力人員。相度形勢。諳練自遜。前人倘有夾塘蓄水。石渠洩河。止宜加修。不必改

築。若有必應開濬建築之處。督撫留心細勘。并飭州縣協辦工程。一應調遣。臂指易使。至常州等州縣。按畝科錢。以供大修。朕已降旨停止。倘有官吏藉端中飽。即絲毫擾累。經朕訪聞。必加嚴處。嗣後督撫以至州縣。建言為民興利。或利小而害大。或利在目前。而害伏於後。或有利無害。而其事易創。難成。皆宜詳審熟籌。慎之於始。以體朕惠養元元之至意。欽此。○又

諭。史書詳誌河渠。經術兼明水利。誠以國計民生所關也。果使水道疏通。脈絡流注。陂澤非沮洳之藪。

隄防有蓄洩之方。旱潦有備。而田廬無虞。其有裨於閭閻。誠非淺鮮。我

皇考軫恤黎元。興行水利。凡直省泉源河湖。莫不濬導。俾民得以灌溉。轉瘠為腴。至於蘇松之太湖。吳淞白茆。劉河。歸海要道。并淮揚之槐子。烏塔河。泰州如臯。運河。串場。車路。海溝等河。尤不惜帑金。專員督理。將各河故道。或為豪強侵占者。

諭令嚴察清出。始得一一開通。建牐築隄。按時啟閉。使近水田畝。均沾膏澤。貨船鹽艘。通行無阻。利賴甚溥。但自開濬以來。已閱數年。圩岸不無坍塌。沙泥

不無淤積。朕思與其歲久濬築。事難費倍。不若逐年疏葺。事易費省。著江南督撫暨河道總督。令管理水利河務各官。及濱河州縣。各於所屬境內。相視河流淺沮。每歲農隙。募夫堰濬。定為章程。逐年舉行。必令功施可久。惠濟民生。毋得視為具文。玩悞工作。及陽奉陰違。絲毫擾累。欽此。○又議準。串

場河新建并原有石牐十座。泰州屬小海。草堰。二牐。歸小海。草堰各場大使。就近管理。鹽城縣石碓口一牐。歸鹽城縣縣丞管理。廖家港。草堰口。二牐。歸新興場大使管理。泰州屬丁溪。牐。歸

丁溪場大使管理。興化縣白駒南。中。北。三牓。歸  
白駒場大使管理。二牓。歸安豐司巡檢管理。一  
牓。仍令泰州興化鹽城三州縣管河佐雜人員。  
各就本汛河道海口。協同管理。小海。草堰。青龍。  
碓口。四牓。各設牓夫六名。丁溪。廖家港。二牓。各  
設牓夫四名。草堰口。白駒南。中。北。四牓。各設牓  
夫二名。○又議準。王家港。新洋港。二處。每處設  
立犁船二隻。混江龍二具。責令泰州州同鹽城  
縣縣丞收管。仍令東臺同知。督令地方官。每遇  
春秋二汛。按日拖刷深通。○二年

諭。自古致治。以養民為本。而養民之道。必使興利防  
患。水旱無虞。方能使蓋藏充裕。緩急可資。是以川  
澤陂塘。溝渠隄岸。凡有關於農事。預籌畫於平時。  
斯蓄洩得宜。潦則有疏導之方。旱則資灌溉之利。  
非可委之天時。豐歉之適然。而以臨時振卹為可  
塞責也。朕御極以來。宵旰憂勤。惟小民之依。是咨  
是詢。前後諭旨。諄復再三。但化導自在有司。而督  
率則由大吏。近日直省督撫。惟甘肅巡撫。以興水  
利倉儲為請。西安巡撫。亦有勸民鑿井灌田之奏。  
尚能留心民食。知本計之所當先。其餘能盡心於

吏治官方命盜錢糧諸事者尚不乏人。而於民生衣食本源。未能切實講求。地方守令亦惟刑名錢穀自顧考成。至以愛養百姓為心。留意於稼穡桑麻。如古循吏所為者。蓋不可得。即如直隸今年夏初少雨。深以暵旱為憂。及連雨數日。尚不甚大。而永定河隨有漲溢之患。決口至四十餘處。低窪之地。多被水滄。雖因山水驟發。然水性就下。其經行之處。自有定所。設預為溝渠以洩之。為塘堰以蓄之。自可以分殺水勢。不致為洪流衝突。漫衍如此之甚。是皆平日不能預先籌畫所致也。東南地方。

每有蛟患。考之於古。季夏伐蛟。載在月令。今土人留心者。尚能預知有蛟之處。掘地得卵。去之則不為害。且蛟行資水。遇溪澗而其勢始大。田疇雖不可移。而廬舍瑩厝。尚可遷就高阜之地以避之。是亦未嘗不可先事預防。惟在實心體察耳。該督撫有司。務體朕痾瘝乃身之意。刻刻以民生利賴為先圖。一切水旱事宜。悉心講究。應行修舉者。即行修舉。或勸導百姓自為經理。如工程重大。應動帑者。即行奏聞。妥協辦理。興利去害。俾旱澇不侵。倉箱有慶。以副朕惠愛黎元至意。欽此。○又議準江

省各屬濱江近海。湖河交錯。全資水利以濟民生。一切河道。凡關糧艘往來。及江河湖海要區。專資通洩之處。遇有淤淺。責令水利各官。將應修應濬處。於藩運二庫公銀。并河庫及藩庫所存鹽規銀內。動項修濬。其支河汊港。地方官每歲勘明。於農隙時相度勸導。順從民願。疏濬修築。○又修築蘇州府屬長洲常熟二縣境內元和塘。以資利賴。○三年。修築松江府婁縣護城石隄。建砌寶應縣境內西隄柳園頭迎湖石工二百二十丈。○又修濬安徽所屬壽州蔡城塘。

鳳陽縣山河。臨桂縣鹿塘。滁州衛黃慶圩。全椒縣張巴等圩。廣德州秀水壩。桐城縣袁家圩。定遠縣響水壩。○四年。開濬運鹽中河。下場河。建築子壩。○又開濬甘泉縣邵伯湖。臨湖引河。荷包塘及河尾。拆修寶應縣東岸黃浦壩。○又奏準。工程報竣。例應奏銷。興修水利。工段繁多。承辦既有先後。竣工亦有早遲。各工告竣。會同驗收。即造冊分案報銷。○又興修淮揚所屬山陽阜寧二縣之魚濱河。興化縣之白駒插下南中北引河。高郵州之通湖橋馬飲塘河。江都縣之

灣頭通河。分司所屬之十場鹽河。通州之黃河。洋范公隄。○又秦準。各省民隄。民堰。有關於民舍田廬。應行修築。而民力實不能辦者。該督撫預行題明。照以工代振之意。動用公項。酌量興修。○五年覆準。天妃口建牐一座。拆修白駒三牐。其上崗北草堰二牐。移建於串場河外口。其餘各牐。如有損壞。分別修葺。以資堵禦。鹹水之患。○又疏濬淮揚各屬東塘河道。加幫范隄。以及拼茶斜角。二場隄工。修整楊子橋。牐底落低三尺。牐之金門。收小修葺。俾得一律疏通。以資

水利。○又修築山陽阜寧鹽城江都甘泉高郵寶應興化泰九州縣河渠。兩岸田圩。各高四尺。底寬八尺。頂寬二尺。以作隄防。○又秦準上江地方。濱臨江淮。地多山岡。其間鳳陽府屬虹縣。枯河頭。潁州府屬亳州乾溪溝。和州大洋河。姥下河。牛屯河。含山縣銅城牐河。來安縣龍尾壩。河。均令開堰疏濬。○六年議準。松江府城西二里涇河。係黃浦江宣洩要路。一壩橫亘中流。亟宜開放。設立木柵一道。中留柵門二。量加歲修。○又疏濬句容縣自晏公廟迤東馬鞍山。至陳

家溝河道。○又修濬海州境內薔薇高橋二河。并薔薇河下尾神洲廟後舊石牆。○七年

諭。朕思江南水災之後。振卹乃一時之補救。而所以安養民生者。全在明歲之農功。自被水迄今。已經兩月。雖水漸減退。不為大害。而瀰漲之勢。仍似從前。若疏濬稍後。機宜則今歲田地。斷不能盡皆涸出。小民春耕無望。彼嗷嗷待哺者。何以為生。況此時搭棚棲止於長隄者。豈可以久處。亟宜講因地制宜之策。其如何疏洩水道。涸出田畝。以安民業。以奠民居。著欽差大臣。河道總督。江南督撫。妥議。

速為經理。欽此。○七年。興修淮徐所屬各州縣陂塘溝渠圩埂土壩六十二處。寓振於工。○又奏準。興修淮徐等各府州縣水利。自淮郡以東。間有從前未經勘明。淮郡以西。原未議及。興修銅沛二縣境內石林黃村二口。沛縣縷水隄田家隄漫口。碭山縣小神湖之上流及尾閘各河溝。邳州沂水河隄。山陽縣護城河東隄。接連運河西隄。阜寧縣境內郭墅河射陽湖等處。堵築疏濬。并建設涵洞。以資分洩捍禦。○八年。疏濬秦州河內秦塘港。白塔河。百汊港。土壩改建石牆。



以時啟閉。○又疏濬板浦以下河身及六里車  
軸等河。加築六塘河兩岸民堰五丈。義澤六里  
河頭。各建石牆。中河通入沿河草壩口。水底用  
亂石填高。薛家莊老隄頭開通。舊莞瀆河。加培  
兩岸子堰。以資收束。○又興修上江大川澮沱  
睢等河。疏濬潼河。下游林子河。謝家溝沱河。并  
宿靈鳳等處大道兩旁官溝。節節疏濬寬深。取  
出溝土。培築大道。增建橋梁。以通積水。宿境之  
水。導入澮河。靈鳳等處之水。導入淮河。不使仍  
入沱河為患。○又下江大川沐沂兩河。修築民

堰開濬河身。疏濬清桃二邑官溝。取出溝土。培  
築大道。導入包家河。以洩兩旁積潦。○九年。修  
理揚州府儀徵縣運口通濟羅泗二牆。○又奏  
準。疏濬鹽河。華家灘。大新河。王家港。茅塘港。邵  
伯通運引河。循次灌注。以達運河鹽河。○又疏  
濬通州境內任家港等處。以備宣洩。○又奏準。  
疏濬鹽城以南南北二串場河道。白駒等牆。相  
機啟閉。牆下引河。酌為疏導。堰浚蚌蜒。梓新。車  
路。白塗。海溝。興鹽界河。東西官河。洩水要道。以  
資利導。○又范隄酌照芒稻牆式。將見在各牆。

多加金門。以廣出水之路。○十年議準。江省嗣後凡有大小工程。照部頒尺式修建。○十一年奏準。修濬濰河南北兩岸。黃疇橋等處河道。建設涵洞。并潁州府淝河。宋湯河。蒙城芟河。北淝河。堰淺築埂。建設橋梁。○又六塘河上承宿遷縣駱馬湖出水。逾桃源清河安東。至沐陽錢家集。分為二股。南股由安東侯家口入鹽河歸海。北股由沐陽謝家莊龍溝口入鹽河歸海。接築南北塘河子堰。建設涵洞。疏濬港河河身。築堰建牆。○又疏濬沐陽滂溝蕩湯家溝。上下增築

子堰。建設涵洞橋梁。○又徐屬邳州沂河上承。鄭沂之水。加築兩岸子堰。以資捍禦。○又海州前後沐河兩岸。接築子堰。建設涵洞。疏濬青伊湖。薔薇河。○又奏準。疏濬海州境內鹽河。武障義澤六里三河口。各設滾水石壩。開堰贛榆三公河之子河。堵築大沙河。○又奏準。江南淮揚徐海等屬。興修水利工程完竣。各府州屬。長隄巨川。大橋大牆。歸官修理。其支河小港。民堰路溝。令里民自行經理。分別廳汛州縣。分司經營。統令道員各就所轄統理。本管知府直隸州以

及各同知通判等兼轄。不時督率稽察。每年秋汛後。經管官周巡確勘。○又修築六塘等河子堰。并加培高厚。○十二年

諭。六塘沐河等處。每年加工修築。而每年仍復被災。必係前此經理未善。今遇大雨時行。又被暴漲衝漫。應詳悉經理。熟籌疏濬之方。務令宣洩通暢。不致泛溢。衝漫子堰。滄損田禾。為一勞永逸之計。以

副注念。欽此。遵

旨。奏準。加培六塘沐河前築堰工。疏濬宿遷桃源兩縣境內兜灣河道。勢取徑直。展築舊堰。切去灘

嘴。以順河流。接建駱馬湖尾間永濟石橋四十丈。開浚上下引河。以助分洩。○又奏準。六塘沐河兩河堰工。嗣後每年農隙時。責成里民按畝出夫。酌量修補。於汛水長發之時。該地方官督率民夫。協力搶護。分別段落里數。於有田業戶之中。設立堰長。總司督催料理。○又議準。建築甘泉縣東西灣二處滾水石壩。改建三合土壩。○又修築范隄千一百四十四丈二尺。○十三年。增培邳州沂河兩岸民堰。○十四年。疏濬宿州墨河。○十六年。續培沐河卑矮隄堰。

一浙江水利。康熙四十七年。疏濬杭嘉湖三府淤淺港灣。建牐六十四座。○雍正元年。議準東南州郡。如浙江等處。地方膏腴。田皆近水。而旱資灌溉。潦資宣洩。全在水利。令該督撫轉飭各州縣。確勘大小河道。如有淤塞。即設法疏濬。以利民田。○二年。開濬西湖淤淺。俾復舊址。並疏上下兩塘。以資仁和錢塘海寧三邑民田灌溉。

○乾隆元年

諭。朕聞浙江紹興府山陰會稽蕭山餘姚上虞五縣。有沿江沿海隄岸工程。向係附近里民。按照田畝。

歛費修築。而土豪衙役。於中包攬分肥。用少報多。甚為民累。朕以愛養百姓為心。欲使閭閻毫無科擾。著將按畝科錢之例。即行停止。其隄岸工程。遇有應修段落。著地方大吏。委官確估。於存公銀內。動支興修。報部覈銷。永著為例。欽此。○二年。覆準修築樂清縣塘隄陡門。○又覆準山蕭二邑歲修尖山浮橋船。行人絡繹。最關緊要。給與夫役看守工食。更換篾纜板柵等項。照例開銷。○又蕭邑湘湖塘身穴口。各有塘夫看守。給與工食。每年春間選補。秋前三日。先作下壩開放。灌溉。

田禾。秋後復築。仍令看守。亦屬合邑民生要務。循照塘工之例。於應修時。委勘確實。動撥司庫備公銀趕辦。工竣報銷。永遠遵行。○四年覆準。玉環地方築塘浦二百四十丈。陡門一座。以禦鹹潮。蓄淡水灌田。○又覆準。修築麗水縣衝坍西堰官壩道路橋梁。以濟行旅。○又覆準。玉環東西青巖新舊陡門牐二座。蓄淡水灌田。應設牐夫四名。以司啟閉。○五年議準。修濬湖州府城分流各支河。鈕家橋等處及附郭濠塹。逐段開通。以資蓄洩。灌溉民田。○又覆準。玉環地方。

天開河渠土塘千有百丈。牐壩一座。以資蓄淡灌溉。○又覆準。修麗水縣衝塘寶定二處溪岸河堰。以衛民生。○又覆準。修整玉環南塘一帶塘脚陡門。以資啟閉。○又覆準。玉環天開河塘牐。設牐夫二名。專司啟閉。以資蓄洩。○又覆準。玉環江北十四都等處。建造塘牐。以禦鹹潮。開墾田畝。○七年議準。疏濬西湖湖心亭放生池。岳湖等處港河淤淺。以資灌溉民田。○又議準。疏濬錢塘餘杭二縣交界之瓶窑鎮溪河。以利杭嘉湖三府田疇。○八年覆準。修復仁和縣余

家壩。○九年覆準。修築乍浦壩。疏濬壩口淤泥。○又覆準。修錢塘縣武林門外清河壩。以資蓄洩灌田。○又覆準。修築仁和昌化二縣交界地方勞家陡門。○十二年覆準。修理仁邑青龍田家井。二涵洞。○又覆準。乍浦南北水門。建壩二座。以資捍禦。○十三年議準。修建遂安縣堰壩。以資蓄洩。○十四年覆準。修築仁和縣田家井涵洞。

一福建水利。雍正十三年覆準。閩省山河素稱危險。自仙霞嶺西南萬山之水。與延建汀邵四

郡之水。合流盤旋。七百餘里。以入於海。河流紆折。波浪洶湧。於建寧府浦城縣。至福州府古田縣水口地方。開鑿。火燒灘等四十三灘。平治相公等八灘。柳林灘等六灘。立柱指迷七里灘等八灘。設船救濟。化險為夷。以便行旅。○乾隆三年覆準。興修連江縣東湖隄堰。灌溉民田。○又覆準。興修侯官閩二縣壩。以資灌溉。○又覆準。興修長樂縣塘隄。并西村塘岸陡壩。○又覆準。興修閩縣海堰壩。圍障海潮。○又覆準。長樂縣和魁蓮花兩塘。修築塘隄陡壩。并仙岐地方。

建造陡牐。修砌護衛塘岸。禦醜疏淡。以利農田。  
○又覆準。興修閩縣崇賢里牐。以資蓄洩。○又  
覆準。興修長樂縣小社地方橋壩。○四年覆準。  
修築晉江縣下莊全埭等處橋梁隄壩。開濬河  
溝。築造小岸海堰。以資捍禦。○五年議準。修補  
龍溪縣墨場堡被衝隄壩百五十餘丈。加增舊  
隄三百餘丈。以衛田廬。○七年議準。修濬侯官  
縣齊坑浦道橋牐。○八年覆準。長樂縣築大隄  
百餘丈。中建陡門二座。石牐一座。視旱潦為啟  
閉。○又覆準。增築汀洲教場臨河河牐。○九年

覆準。修復閩縣嘉登里海堰石橋。○又覆準。修  
葺閩縣遂勝里長夾水牐。并上盛石橋。○十年  
覆準。修葺侯官縣西關外西湖頭水牐。以資蓄  
洩。利濟田園。○十二年覆準。修築寧化縣護城  
長隄。○十三年覆準。修築閩縣嘉登里赤沙整  
海堰水牐。

一江西水利。康熙五十八年。修治臨江府北土  
橋老隄。以扞清江。豐城高安三縣田廬。○雍正  
八年覆準。廢建邑柘湖下洋二圩。別築大岸。更  
名下洋西隄二圩。○十三年覆準。修補豐城縣

土隄酌建石岸以資衛護○乾隆二年覆準豐  
城縣石隄歲修夫銀免其派徵每年約計銀千  
四五百兩動支鹽規銀辦理○又覆準修建南  
昌縣圩隄以衛田畝○又覆準修築九江府護  
城石礮○四年覆準修砌南昌縣青山牯以防  
春漲○又覆準疏濬九江關龍門河道以資挽  
泊○又覆準龍河當廬阜諸水之衝每遇水漲  
急溜衝刷嗣後每歲於嚴冬水涸詳加測量如  
有沙土壅滯之處即設法疏濬毋致停積○五  
年議準豐邑沿江一帶土石各隄計長七十餘

里險工林立每歲伏秋汛發飭令南昌府同知  
前赴豐城一帶防護隄工隨時搶築以保田廬  
○又覆準修築南昌縣安樂圩石牯以衛民田  
○六年議準修補九江吉水二郡縣石礮并建  
築石壩○八年議準修建南新二縣水衝圩隄  
改建螺螄港牯壩○又覆準修築南昌縣富昌  
安樂二圩又修整新建縣迴瀾蛟窟三汊三牯  
并三埂古隄○十年議準豐邑東西兩岸土隄  
嗣後仍照舊例聽里民自行分段修築每段設  
立圩長就近董理水落督夫修補水漲巡防并



責令地方官。不時稽察。毋許隄長任意取夫滋擾。石隄歸官承辦。其坍塌鼓裂各處。應一律修整。工竣之後。責成承修官保固三年。○又議準。堵築螺螄港。被衝石壩土岸。○十一年議準。修築豐邑馬家園普明堂等八處舊老石隄。○又覆準。修換水關橋牘板。堰濬壅土。建小房二間。收貯牘板。○十二年議準。修理吉水縣南門外一帶被衝石隄。○又覆準。九江府護城石砌。動用鹽規引費銀二千兩。交商生息。按年修補。每年水涸時。遇有應行修補之處。該縣勘明詳報。

領銀加修。委驗報銷。○十六年議準。豐城縣建築石埽四十二丈五尺。

一湖北水利。乾隆二年覆準。湖北各屬溝澮塘堰等工。遇有應濬應築之處。飭令該地方官。於政暇農隙時。巡視村鄉。勸諭化導。令民濬築。以資蓄洩。倘遇歉收之年。民力不繼。該督撫督率地方官。設法修築。如有奉行不善。藉端滋擾。分別叅究。○三年題準。修築漢陽府黃陂縣溪岸河堰。○十一年覆準。修築雲夢縣馬橋會隄工。一湖南水利。康熙四十九年。修築常德府大圍

隄。令地方官專管。○雍正九年

諭。朕聞洞庭一湖。綿亘八百餘里。自岳州出湖。以君山為標準。一望杳渺。橫無崖際。而舵桿洲居西湖之中。去湖之四岸。或百餘里。或二百餘里。舟行至此。倘遇風濤陡作。無地停泊。亦無從拯救。多有傾覆之患。昔人曾經創議。若於此處建築石臺。則狂風巨浪之中。商船有灣泊之所。實有裨益。祇以水中立基。工用浩繁。事不果行。朕以勤求民瘼為心。凡內外遠近地方。疏濬修建工程。可以利濟羣生者。無不樂為興舉。況商賈行旅之往來。可以避風濤之險。而登衽席之安。

尤事之所當舉行者。營田水利捐納項內。有平餘銀二十萬兩。著將此項銀解送楚省。交與總督會同巡撫。遴選賢能之員。相度估計。悉心經理。建築石臺。以為舟航避風停泊之所。務期修造堅固。以垂永久。毋得草率塞責。欽此。隨遵

旨議準。洞庭湖舵桿洲。建築石臺。東西長九十六丈。兩頭濶三十丈。南北各灣進如偃月形。以便行舟避風濤之險。○十三年議準。益陽沅江二縣東西兩岸。建築隄堰。週迴九千四百七十三丈七尺。以防水漲。建設管口。以資蓄洩。遍栽楊柳葦

秋以護隄身。嗣後每年歲修。即令隄內業民計畝出夫。均力修理。仍照各屬歲修隄堰之例。令地方官。每歲九月。親行督率該管道府。不時稽察。○乾隆二年。奏報洞庭湖舵桿洲建築石臺工竣。○又奏準。石臺北面護墩之外。密釘排椿。二層中填碎石。壅土成洲。遍種柳樹。根盤土結。保護隄工。○九年議準。修理常德府城外東西南石櫃三座。○十年議準。湘陰益陽二縣一切水利工程。向係岳常澧道管理。今改歸長寶道經營。○十二年議準。湖南濱湖州縣。自本年秋

冬為始。凡險要之隄。統以三年為止。每歲加厚二尺。加高三尺。○又議準。湖南各處隄堰。遍栽柳樹。以擋風浪。每隄種柳若干。冊報稽考。責令管理。修隄之隄。總隄長人等察看。道府等官。遇便隨時抽摘點驗。嚴禁縱放牛馬。及居民侵損。○又議準。楚南洞庭一湖。為川黔粵楚各省諸水滙宿之區。必使湖面廣濶。以為消納。嗣後各屬濱湖荒地。永禁築隄墾田。以致汎濫為患。○一廣東水利。康熙五十五年。築廣東海康遂溪二縣圍隄。以衛洋田。○雍正五年議準。廣肇二

府所屬圍基。責令廣南肇道肇羅道。不時親詣工所督率修理。如式堅固。毋致江水漲發之時。臨期周章。倘該道怠玩偷安。以致衝決坍塌。并偏袒紳衿富戶。欺壓貧民。借端滋擾。縱役需索情弊。即指名題參。○九年覆準。重建遂溪縣辛壬兩字號隄岸。并修補丁字號隄岸。及麻烈等牘。○乾隆元年奏準。廣肇二屬圍基。動撥廣東鹽運司庫存貯。逾年融羨等項銀四萬餘兩。借商生息。以為歲修之用。○又奏準。廣肇二屬圍基。改建石工。○二年議準。搶築海康井鬼等七

字隄。柳字下牘。遂溪甲乙等十字隄。乙字牘。并丁戊兩字麻烈大牘。○三年覆準。築竣海康縣衝決隄岸。○又覆準。海陽縣東南北三隄。加築灰石隄。護隄以固上游。借關稅銀十萬兩。給鹽洋二商。營運生息。積至三年。次第辦理。俟五年歸還原本。工完如有餘。別為生息。以備逾年歲修之用。其潮陽揭陽澄海饒平惠來等縣舊有隄岸。給與歲修銀。以舒民力。○四年議準。修築始興縣南門外河隄。○五年議準。加築海康井鬼等七字隄。遂溪甲乙等十字隄。并接砌乙丁

戊三字大小牖二座。○七年議準。粵東圍基頂衝險工及竇門壩。用石砌築。以資扞禦。每年動支鹽規生息銀。歲加修理。其一應土功。令水利各官。於農隙時。督率圍民。加培高厚。永為定例。○九年議準。三水縣南岸圍土。建用石工。以殺水勢。○又議準。搶築海陽縣東南北三隄。○十年議準。潮屬海陽東南北三隄。用三合土築砌土墻。磯頭用頑石堆填。○十一年議準。續築海陽縣蔡家圍隄工。○十二年議準。修築始興縣南門外河隄。

一廣西水利。雍正八年議準。修葺臨桂縣黃泥等十三陡。鑿石九處。開鑿雒容縣陸路。又修興安縣至安全州一帶河道。修整舊陡三十六處。以資轉運米穀。灌溉田畝。○十年議準。增修臨桂縣鯁魚等七陡。增鑿百三十五處。○又覆準。臨桂縣修復鯁魚等二十陡。每陡設夫二名。共設夫四十名。東西兩陡。各設渠目一名。每名每年給工食銀六兩。照興安縣陡河之例。每歲撥歲修銀六十兩。於存公銀內動支。以備分修之用。年底造冊覈銷。又興安縣二十三陡。除舊設

夫四十六名外。增設夫一名。○乾隆四年覆準臨桂縣鱧魚陡河上之門山灣鮎魚橋二處。加築兩陡。每年給歲修銀六兩。於鹽道庫貯存公銀內支給。按年造報察覈。每陡設夫二名。每名歲給工食銀六兩。○五年覆準興安縣馬石橋。設立牘板。并設陡軍二名。專司啟閉。每名歲給工食銀六兩。遇閏加增。又每年增設歲修銀二兩。○十一年議準。築復興安縣三里橋等處陡門四座。疏濬分水潭等處河道。并修砌陡埂。新增四陡。設陡夫八名。以司啟閉。歲給工食銀四

十八兩。

一四川水利。雍正十一年覆準。新津華陽二縣。修淘通濟堰。攔河砌石為埂。截流而東。灌溉田畝。○十二年覆準。修理眉州墓頭堰。○乾隆六年議準。哨汛城築隄一道。遏禦頂衝。隄之上流。開堰河路。使水性循軌而下。○九年覆準。去歲五六月內。寧遠城河被衝淤墊。別決新河一道。墊築新河。開通舊河。

一雲南水利。康熙十年。雲南雲津河衝溢。增南城外石橋二洞。以殺水勢。○二十一年。又修雲

南城外金汁諸河。及舊廢牯壩。○二十七年。修雲南松華壩。及金汁等六河牯壩。引水資昆明各縣灌溉。○雍正十年議準。修濬龍盤金稜銀稜寶象海源馬料明通馬溺白沙諸河。增修石岸牯壩橋洞。○又昆陽州增設水利同知一人。駐劄海口。常川巡察。遇有壅塞。不時疏通。設或衝坍。立即堵築。其餘各州縣。凡有水利之處。將同知通判州同州判經歷吏目縣丞典史等官。皆準加水利職銜。境內河道溝渠。責令專理。除雲南一府。仍歸糧道管轄。其各屬在迤東者。統

歸迤東道管轄。在迤西者。統歸迤西道管轄。仍令各該府察勘驗報。各該道考察詳明。聽督撫二臣酌覈勸懲。○又議準。昆明六河。酌定歲修銀八百兩。昆陽海口。酌定歲修銀二百兩。臨安三河。酌定歲修銀三百兩。動支鹽道衙門合秤銀給發興修。用則報銷。不用則存貯。以備大修之需。○又議準。疏濬臨安普義曲靖南寧羅平新興路南和曲趙雲南鄧川浪穹各州縣河道。重修祿豐縣廢橋。定遠縣建設石隄。永北府羊保山建築石壩。順寧府河造鐵索橋。增修阿迷

州至八達通粵河道。又濬嵩明州河口。經尋甸東川。由牛欄江達金沙江。周環川江。復抵昭通。以通舟楫。○十二年議準。修濬鶴慶府漾弓河。又修祿豐縣石隄五十丈。昭通府西門。開濠引水入城。以資灌溉。○十三年議準。開鑿思安魯甸擦拉諸河。建牐以資蓄洩。○乾隆二年諭。水利所關農功綦重。雲南跬步皆山。不通舟楫。田號雷鳴。民無積蓄。一遇荒歉。米價騰貴。較他省數倍。是水利一事不可不急講也。凡有關於民食者。皆當及時興修。總期因地制宜。事可謀成。斷不

應惜費。如難奏效。亦不必強作。欽此。○五年議準。開濬龍盤江。金稜銀稜海源寶象馬料諸河。修建橋牐涵洞隄岸。又昆陽海口。改建石岸。○六年覆準。滇省思安縣。開塘四區。以濟兵民汲飲。○七年議準。開鑿黑龍碕。修濬青口河。又開思安縣礮碕。水源建大壩一座。培修李子灣蓄水隄基。建木牐一座。又修建水塘壩。補臥箐山蓄水隄基。建木牐一座。又洒魚口河。開溝建壩。以資蓄洩。灌溉民田。○八年議準。安寧州築石壩六座。開渠百六十里有奇。以資灌溉。○九年議



準。疏濬大理府洱海淤沙。以除榆郡水患。嗣後責令地方官。就近督修。按田出夫。五年大修一次。仍令該道不時稽察。毋致復淤。○十年議準。開鑿南寧縣亮子口黑寶灘等處灘河二十餘里。又修陸涼湖嚴芳橋梁。○十一年議準。開鑿金沙江下游新開灘。至黃草坪等灘河。以利舟楫。○又議準。開修金沙江兩岸陸路。○十二年議準。開通大關鹽井渡水陸道路。每年動支運銅節省銀三百兩。以為歲修之用。○又覆準。安寧州葡萄橋石龍壩等處。開渠引水。分灌民田。

○十四年。

欽差大臣覆勘奏準。金沙江自四川叙州府城內起。至雲南小江口止。共計水程千四百餘里。內上游之蜈蚣嶺。至下游之黃草坪。一段工程。實於運銅無益。其自黃草坪以下。至新開灘約五百八十餘里。亦有數大灘。尚係人力可施。可以直達瀘叙。於運銅有益。應棄其無益。留其有益。仍酌給歲修銀。以利輓運。○又議準。大修昆明六河。昆陽海口隄岸。牯壩橋梁河道。

一貴州水利。順治十七年。修貴州黔河。○乾隆

三年覆準。開修黔省都勻府由舊施秉通清水江。至湖南黔陽縣。直達常德。又由獨山州三腳壘。達來牛古州。抵粵東。河道緯路。一律修治。以資挽運。以濟商民。○十年議準。開鑿畢節縣赤水河道。起赤水河渡口。至猿猴地方。大小六十八灘。

